

Vertical text on the left side, possibly a title or chapter heading, written in a dark ink on a lighter background.

Main body of text, appearing as a large, bright, and mostly illegible area, possibly due to overexposure or fading of the original document.

Text on the right side, likely bleed-through from the reverse side of the page, showing some faint vertical lines and characters.

從子  
知也

汾陽縣志卷之四

名宦

刁清穆雙字子山渤海饒安人少好學兼涉文史雅爲  
中山王英所知賞拜西河太守正光初中山王熙之  
也熙弟畧投命於雙雙護之周年時購畧甚切畧乃  
雙曰我兄弟屠滅已盡唯我一身漏刃相託卿雖厚  
久見容蔽但事留變生終恐難保脫萬一發覺我死  
也無事相累卿若送吾出境便是再生之惠如其不爾  
輒欲自裁雙曰人生會有一死死所難遇耳今遭知己  
視死如歸願不以爲慮畧後苦求南轉雙乃遣從子昌

(3479)

送達江左靈太后返政知畧因雙獲免徵拜光祿大夫  
莊帝初以功封曲城鄉男興和三年卒謚曰清穆  
裴良字元賓河東聞喜人時汾州吐京薛羽等作逆以  
良兼尚書左丞爲西北道行臺值別將李德龍爲羽所  
破良入汾州與刺史汝陰王景和及德龍率兵數千  
城自守景和薨以良爲汾州刺史加輔國將軍行臺如  
故先是官粟貸民未及收聚仍值寇亂至是城民大饑  
人相食賊知倉庫空虛攻圍日甚死者十三四良以饑  
窘因與城人奔赴西河汾州之治西河自良始也

右北魏二人舊志列周虞子羔吳起漢杜延年郭汲  
魏房豹晉王雅刁雙張軌後魏王慶西魏韓褒宇文  
淵考縣境於兩漢皆不屬西河郡漢以前之西河於  
此地尤絕不相涉辨已詳沿革房豹北齊世祖時爲  
西河太守諱禁之魏而列於晉前謬也王雅北周明  
帝初爲汾州刺史諱禁之晉周書列傳云王雅字度  
容南鄉新羅人世宗初除汾州刺史勵精爲治人庶  
悅而附之自遠至者七百餘家舊志訛作新門人又  
云後拜少傅孝武將擢王恭殷仲堪雅曰仲堪謹於  
細行幹畧不長帝不聽此乃晉之王雅字茂達者東  
海剡人孝武深加禮遇時人被以佞倖之目由西

志作太寧初爲汾州刺史則又誤以北周明帝爲  
明帝晉王雅以隆安四年卒時年六十七而明帝太  
寧初下距隆安四年凡七十八年是太寧初尙未有  
王雅其人且汾州之名起於北魏晉無是名又晉太  
寧時此地屬石勒孝武世此地屬苻堅尋屬慕容垂  
晉無此地也北周之汾州在今霍州平齊後廢齊之  
汾州其郡縣屬介州亦絕不涉此地舊志於張軌僅  
西河著德四字別無所詳考晉書張軌傳永寧初出  
爲涼州刺史後張越陰圖代軌遣兄鎮移檄廢軌軌  
以子寶爲中督護率兵討鎮遣鎮外甥太府主簿令

狐亞前喻鎮曰舅何不審安危明成敗主公西河著

德兵馬如雲然則西河著德四字蓋掇取令狐亞稱

張軌者其所謂西河乃晉涼州之域

晉涼州領金城西平武威張掖

西郡酒泉敦煌西海凡八部

黃河上游去此絕遠王慶北周大象

元年爲汾州刺史誤繫之後魏韓褒北周保定三年

爲汾州刺史誤繫之西魏宇文測大統中行汾州事

乃西魏所置之汾州在今陝西宜川縣皆茫然不察

今訂正

馮豹字仲幹東濟河澤幕人體貌開岸美音儀河清中

除尚書僕射拜西河太守地接周境俗雜稽部豹政貴

名宦

清靜甚著聲績遷  
稱爲美政齊滅遂  
疾終於家

得陵太守又遷樂陵太守風教修理  
返本鄉邱園自養頻被徵命固辭以

右北齊一人舊

志於名宦祠列之三國魏山西通志

於職官亦列之

三國魏於名宦列之北魏胥誤今改

正

蕭大圖字仁顯梁簡文帝之子也幼而聰敏神情俊悟  
年四歲能誦論語孝經及三都賦七歲居母喪便有成  
人之性梁大寶元年封樂梁郡王屬侯景肆虐簡文見  
弑大圖潛逃獲免明年景卒大圖歸建康改封晉熙郡

王大圖以世多故恐讒愬生焉恒以讀詩禮書易爲事  
元帝嘗問五經要事數十條大圖辭約指明應答無滯  
帝甚歎美之隋開皇初拜內史侍郎出爲西河郡守大  
圖性好學務於著述撰梁舊事三十卷寓記三卷士喪  
儀注五卷夏地兩卷并文集二十卷

右隋一人

蕭大鼎字重臣南齊彭陰人父粹爲隋介州長史義旗  
初大鼎於滎陽請高祖以功遷涪州刺史累徙滄州是  
時鄭德本在滎州實數廢爲冀州皆有治名故河北稱  
鑑唐刺史承中遷銀青光祿大夫行荊州大都督長

史卒謚曰恭。

楊越宏農仙掌人。太宗初定天下，網羅遺逸。越曰：天下有道，可以出而見矣。乃以角巾褐衣應命。太宗曰：石州邊方未沾王化，汝往輯禦，以息邊患。授石州方山令。楊隆禮，煬帝曾孫。景雲中，汾州刺史。性清嚴，能檢察人吏，欺隱殆絕。開元中，封宏農郡公，授戶部尚書卒。

崔隱甫，貝州武城人。隋散騎侍郎儵之曾孫也。解褐左玉鈐衛兵曹參軍。遷殿中侍御史，內供奉。浮圖惠範，倚太平公主，勝人子。女，隱甫劾狀，反爲所擠，貶邠州司馬。

元宗立，擢汾州長史，兼河東道度支營田使。遷洛陽令。梨園弟子胡鵠善笛，有寵，嘗負罪，匿禁中。帝以他事召隱甫，從容指曰：就卿丐此人。對曰：陛下輕臣而重樂工，請解官再拜出。帝遽謝與胡鵠，隱甫殺之。有詔貫死，不及矣。賜隱甫百緡，後拜東都留守，封清河郡公。卒，贈益州大都督。謚曰忠隱。甫所至潔介自守，明吏治，以強正稱。始帝欲相隱甫，謂曰：牛仙客可與語，卿常見否？對曰：未也。帝曰：可見之。隱甫終不詣。他日又問對如初。帝乃不用。

徐堅，字元固，湖州長城人。世客馮翊。梁慈源侯整五世孫也。堅幼有敏性，隋王聞其名，召見，授紙爲賦，異之。才

四而孤及壯寬厚長者舉秀才及第爲汾州參軍事後累遷給事中封慈源縣子肅宗初進東海郡公元宗改麗正書院爲集賢院以堅充學士副張說知院事帝大醜集賢幔舍在百司上說令揭大榜以侈其寵堅見違命撤之曰君子烏取多尙人堅於典故多所諸識凡七當譔次高選卒贈太子少保謚曰文

杜希望京兆萬年人重然諾所交游皆一時俊傑屬吐蕃攻勃律勃律乞歸右相李林甫方領隴西節度故拜希望鄯州都督知留後馳傳度隴破烏莽衆斬千餘級進拔新城振旅而還擢鴻臚卿於是置鎮西軍希望以師部分塞下虜悉衆爭壇泉希望大小戰數十俘其大酋至莫門焚積蓄卒城而還授二子官宦者牛仙童行邊或勸希望結其驥答曰以貨藩身吾不忍仙童還奏希望不聽下遷恒州刺史徙西河太守而仙童受諸將金事皆成死異金者皆得罪希望愛重文學門下所引如崔巖等皆名重當世

陸瓌字仲看蘇州人舉明經補長安尉以清幹稱開元初改新科令人爲立制後除洛陽令時車駕在洛推勸姦諛人不取獨爲中書令蕭嵩所器重嵩罷他宰相俾陸瓌爲洛陽令曰與人交難且不可言况無有邪以是奸

貴近出爲太原少尹。累徙西河太守，封平恩縣男。屬多虜，前守設檻窳，璩至徹之，而虜不爲暴。薛從，字順之，絳州龍門人，仁貴之四世孫，以蔭授左清道率府兵曹參軍。累遷汾州刺史，隄文谷，濇河，二水引溉公私田，汾人利之。徙濮州，儲粟二萬斛以備凶災。擢將作監，終左領軍衛上將軍，贈工部尚書。崔昭襄，字有裕，貝州武城人。開元中，以鈐謀對策甲科，累遷爲劍南左司馬。知留後，元宗西出，次扶風，遷御史中丞，劍南節度副大使。圓初聞難，治城浚隍，列館宇儲什具，帝次河池，圓疏具陳蜀土腴穀美，儲供易辦。帝省書泣下曰：「世亂識忠臣。」卽日拜中書侍郎同中書門下平章事，仍兼劍南節度使。至德二載，遷中書令，封趙國公。後削階，封李光弼表爲懷州刺史，改汾州，以治行稱。徙淮南節度使卒，謚昭襄。

李貞簡，勉字元卿，鄭惠王元懿曾孫也。勉少喜學，內沈雅，外清整。始調開封尉，汴州水陸一都會，俗厯錯號難治，勉摧姦決隱，爲有名。從肅宗於靈武，擢監察御史，遷司膳員外郎。關東獻俘百，將卽死，有歎者，勉過問曰：「被脅守官，非敢反。」勉入見，帝曰：「寇亂之汙，半天下，其欲澡心自歸，無繇如。」盡殺之，是驅以助賊也。帝馳騎完宥，後



歸者日至，天子素重其正，擢太常少卿，欲遂柄用，而李輔國諷使降禮於已，勉不爲之，屈乃出爲汾州刺史。興元初，拜檢校司徒平章事，卒，贈太傅，謚曰貞簡。勉少貧，客梁宋，與諸生共逆旅，諸生疾且死，出白金曰：「左右無知者，幸君以此爲我葬，餘則君自取之。」勉許諾，旣葬，密置餘金棺下，後其家謁勉，共啟墓，出金付之。位將相，所得俸賜，悉遺親黨，身歿無贏藏。其在朝，鯁亮廉介，爲宗臣表。禮賢下士，有始終，嘗引李巡、張參在幕府，後二人卒，宴飲仍設虛位，沃饋之，遣戍兵常視其資糧，春秋存問家室，故能得人死力。善鼓琴，有所製，天下寶之。

賈元靖，耽字敦詩，滄州南皮人。天寶中，舉明經，河東節度使王思禮署爲度支判官，累進汾州刺史。治凡七年，政有異績，召授鴻臚卿，兼左右威遠營使。貞元九年，以尚書右僕射同中書門下平章事，封魏國公，卒，贈太傅。謚曰元靖，耽嗜觀書，老益勤，尤悉地理，爲圖廣三丈，縱三丈三尺，以寸爲百里，本之禹貢，及班固漢書古郡國題，以墨今州縣，以朱刊落，疎舛多所釐正。又著貞元十道錄，其器備然盡長者也。不喜臧否人物，檢身勵行，家人近習，不見其喜愠。

劉遵，曹州南華人，爲汾州刺史。天資疾惡，所至以方直

爲觀察使所畏。建中末，召爲御史大夫，宰相盧杞憚其嚴，更薦前河南尹于頔代之。暹終潮州刺史。

孔巢父，字弱翁，少力學，隱徠山。建中初，涇原節度留後孟皞表巢父試秘書少監兼御史中丞行軍司馬，尋拜汾州刺史。入爲諫議大夫，興元中，李懷光擁兵河中，以巢父兼御史大夫，充宣慰使，遇害。帝聞之震悼，贈尙書左僕射。

李說字巖甫，淮安靖王神通之五世孫也。馬燧節度太原，辟說署少尹，遷汾州刺史。李自良代燧，復奏爲少尹，擢檢校禮部尙書節度使，累封隴西縣男。說精於職，卒贈尙書右僕射。

裴向字條仁，絳州聞喜人。父遵慶，上元中，同平章事。廣德初，僕固懷恩阻兵汾上，代宗以遵慶忠純，特遣往汾州宣慰，見懷恩，其陳朝旨，懷恩引過聽命，將隨入朝，旋爲范志誠所誘，以禮死。爲辭會乘輿幸陝，遵慶自汾州奔赴行在，向少以門舊，歷官至太子少議郎。德宗末，方儀之亂，多自選其朝以待有變，次授之，故向以選爲太子少尹，行軍司馬，兼御史中丞，改汾州刺史，轉鄭州，尙以舉行自備，歷官仁智推愛，利及於人，以吏部尙書致仕。內外親屬百餘人，向所得俸祿，必同其費，世稱其孝。

李漢字南紀，雍王八世孫，少事韓退之，通古學，屬詞雄蔚，爲人剛烈，類愈愈愛重，以子妻之，擢進士第，累遷右拾遺，直諫多所救補，出佐興元幕府，文宗立，召爲屯田員外郎，史館修撰，論次憲宗實錄，書宰相李吉甫事，不假借，子德裕惡之，會李宗閔當國，擢知制誥，進御史中丞，吏部侍郎，後德裕復輔政，漢坐宗閔黨，出爲汾州刺史，有善政，及宗閔再逐，改州司馬，尋徙絳州長史，大中時，召拜宗正少卿。

魏謩字申之，鉅鹿人，文貞五世孫也，擢進士第，文宗讀貞觀政要，思魏徵賢，詔訪其後，以謩爲右拾遺，謩姿字魁秀，帝異之，累擢諫議大夫，以直諫稱，始謩之進，李珣楊嗣復寔推引之，武宗立，坐二人黨，出爲汾州刺史，後大中五年，進同中書門下平章事，十年，以平章事領劍南西川節度使，卒贈司徒，謩爲宰相，議事天子前，他相或委抑規諷，惟謩諫切無所回畏，宣宗嘗曰：謩名臣孫，有祖風，朕心憚之，然卒以剛正爲令，孤絢所忌，譏罷之。右唐十七人，舊志列薛從、陸珠、崔隱甫、賈耽、郭子儀、李說、李勉、崔宏禮、李漢、九人，郭子儀封汾陽郡王，鎮絳州，絳在汾水之陽也，唐時此地無汾陽之稱，崔宏

禮雖嘗爲汾州刺史唐書絕不言其治績而於傳末  
有云宏禮短於治民多愛利晚頗務多積素議疵之  
如史所譏不宜列在名宦

李謙溥字德明并州孟縣人性慷慨重然諾少通左氏  
春秋建隆四年爲慈州刺史兼晉隰緣邊都巡檢行石  
州事以興同寨爲治所開寶元年命李繼勳等征太原  
以謙溥爲汾州路都監太祖征晉陽爲東寨都監前軍  
副部署黨進遣謙溥伐木西山以給軍用未至聞鼓聲  
乃并人逼西寨大將趙贊禦之并衆未退謙溥麾所部  
赴之太祖遽至觀戰怪其赴援者非精甲問之乃謙溥  
也帝甚喜謙溥在州十年敵人不取犯境有招收將劉  
進者勇力絕人謙溥撫之厚藉其死力往來境上以少  
擊衆并人患之爲蠟丸書以間進佯遺書道中晉帥趙  
贊得之以聞太祖令械進送闕下謙溥詰其辜進伏請  
死謙溥曰我以舉宗四十口保汝矣卽上言進爲并人  
所惡此乃反間也奏至帝悟遽令釋之賜以禁軍都校  
戎帳服具進感激願擊敵自効

郭達字仲通其先自邢徙洛康定中兄遵死於敵錄達  
爲三班奉職隸陝西范仲淹麾下仲淹勉以問學及爲  
汾州都監屢籍鎮河東俾權知忻州契丹來求天池廟

地籍不能決以諉達達訪得太平興國中故牘證爲王土檄報之契丹愧服達忼慷喜兵學尤善用偏裨每至所部令人自言所能暇日閱按之故臨陣皆盡其技每戰先招懷後戰鬪愛惜士卒不妄加誅戮其殺賊婦女老弱者皆不賞後官左武衛上將軍提舉崇福宮卒贈雄武軍節度使

趙懿簡瞻字大觀其先亳州永城人父剛太子賓客徙鳳翔之盤屋瞻舉進士第調孟州司戶參軍知夏縣作八監堂書古賢令長治迹以自監又以秘書丞知永昌縣築六堰灌田歲省科斂數十萬水訟咸息民以比召

杜英宗治平初自都官員外郎除侍御史時議追崇濮安懿王瞻引漢師丹董宏事謂其屬薛温其曰事將類此吾必以死爭固吾所也中書請安懿王稱親瞻爭曰仁宗旣下明詔子陛下議者顧惑禮律所生所養之名要相訾難彼明知禮無兩父貳斬之義敢裂一字之詞以亂厥真且文有去婦出母者去已非婦出不爲母辭窮直書豈足援以斷大義哉臣請與之庭辨以定邪正已而皇太后手書尊王爲皇瞻歎曰向者太后切責大臣議乃得罷今邪臣與中官交締歸過至尊而自爲之地吾與首議之臣不並生矣因復力陳會假太常少卿

接契丹賀正使入對英宗問前事對曰陛下爲仁宗子而漢王又稱皇考則是二父二父非禮英宗曰御史嘗見朕欲皇考漢王乎瞻曰此乃大臣之議陛下未嘗自言英宗曰是中書過耳朕自數歲時先帝養爲子豈敢稱漢考瞻曰臣請退諭中書作詔以曉天下時連日晦冥英宗指天示瞻曰天道如此安敢妄爲褻尊朕意已決無庸宣告瞻曰陛下祇畏天戒不以私妨公甚盛德也及使還聞呂誨等諫漢議皆罷去乞與同貶不報趣入對英宗曰卿欲就龍逢比干之名孰若効伊尹傳說哉瞻皇懼言臣不敢奉詔使朝廷有同罪異罰之議遂通判汾州神宗卽位遷司封員外郎知商州元祐三年擢樞密直學士簽書樞密院事明年以中大夫同知院事五年卒太皇太后語輔臣曰惜哉忠厚君子也車駕親臨贈銀青光祿大夫謚曰懿簡

田晝字承君陽翟人樞密使況之從子以任爲檢書郎調磁州錄事參軍知西河縣有善政民甚德之議論慷慨有前輩風與鄒浩以氣節相激勵元符中浩爲諫官晝監京城門往見浩曰平生與君相許者何如今君爲何官浩曰上遇羣臣未嘗假以辭色獨於浩差若相喜天下事固不勝言意欲待深相信而後發貴有益也晝

然之。既而以病歸許。邸狀報立后。晝謂人曰。志完不言。可以絕交矣。浩得罪。晝迎諸塗。浩出涕。晝正色責曰。使志完隱默。官京師。遇寒疾。不汗。五日死矣。豈獨嶺海之外。能死人哉。願君毋以此舉自滿。士所當爲者。未止此也。浩茫然自失。謝曰。君之贈我厚矣。建中靖國初。入爲大宗正丞。曾布數羅致之。不爲屈。

張確。字子固。邠州宜祿人。元祐中。擢進士第。徽宗卽位。應詔上書。言十事。乞誅大姦。退小人。進賢能。開禁錮。起老成。擢忠鯁。息邊事。修文德。廣言路。容直諫。遂列於上。籍宣和中。知汾州。七年。徙解州。又徙麟德府。明年。金兵至。確乘城拒守。或獻謀欲自東城潰圍出。且探確意。確怒叱曰。確守土臣。當以死報國。頭可斷。腰不可屈。乃戰而死。欽宗聞之。悲悼。優贈述古殿直學士。召見其子密。慰撫之曰。卿父今之巡遠也。爲將爲守者。皆如卿父。朕顧有今日邪。歎容歎息者久之。

張忠確。克戩。字德祥。開封人。侍中耆曾孫也。第進士。宣和七年八月。知汾州。十二月。金兵圍太原。距汾二百里。遣將銀木。孛董來攻。縱兵四掠。克戩畢力扞禦。數選勁卒。撓敵營。出不意。焚其柵。敵懼。引去。論功。加直秘閣。靖康元年。六月。金兵復逼城。朝廷命經畧使張孝純之子。

灝都統制張思正轉運使李宗來援思正誅求無藝民不堪命克戡引誼開曉皆願自奮宣撫使李綱表其守城勞連進直龍圖閣右文殿修撰太原不守思正紿云出戰遂率灝宗奔慈隰於是人無固志戍將麻世堅夜斬關出通判韓琥相繼亡克戡召令兵民曰太原旣陷吾固知亡矣然義不忍負國家辱祖父願與此城始終以明吾節諸君其自爲謀皆泣不能仰視同辭對曰公父母也願盡死聽命乃益厲兵徹守金兵至身帥將士擐甲登陴雖屢却敵而援師訖不至金兵破平遙平遙爲汾大邑久與抗旣先陷又脅降介休孝義諸縣據州

南二十村作攻城器具兩遣使持書諭克戡焚不啟具述危苦狀募士間道言之朝不報十月朔金益萬騎來攻愈急有十人唱爲降語斬以徇諸酋列城下克戡臨罵極口砲中一酋立斃度不得免手草遺表及與妻子遺書緹州兵持抵京師明日金兵從西北隅入殺都監賈直克戡猶率衆巷戰金人募生致之克戡歸索朝服焚香南向拜舞自引決一家死者八人金將奉其屍禮葬於後園羣拜設祭爲立廟事聞詔贈延康殿學士賜銀三百兩絹五百匹表揭門閭紹興中謚忠確

賈直汾州路兵馬都監靖康元年十月庚子金人陷汾



州賣巷戰死

陳膏莆田人政和中進士宣和中爲汾州教授佐守臣張克戡守城捍禦有功後知惠州

右宋八人舊志列趙瞻李謙溥張克戡陳膏賈賣五人

郭企忠字元弼唐汾陽王子儀之後企忠幼孤事母孝謹年十三居母喪哀燉如成人天輔中大軍至雲中遣邪律坦招撫諸部企忠來歸軍帥命同勾當天德軍節度使事及見太祖問知其家禮遇優厚天會四年知汾州事是時汾州初下居民多爲軍士掠去城邑蕭然企忠詣帥府力請願聽其親舊贖還帥府從之未幾完實如故石州賊閻先生衆數萬至城下僚屬慮有內變請爲備企忠曰吾於汾人有德保無他乃率吏民城守會授至合擊破之六年遷天德軍節度使後累遷金吾衛上將軍

傅慎徽大定中知汾州州東十里有西河灤卽古文湖圍四十里歲旱以溉民田雨以楮水宋時轉運使王沿廢爲田熙寧元年御史劉述因民不以爲便請復之至是有欲涸以爲田者慎徽力爲嚴禁及代去後卒廢灤耕種其中自是傍近之田多旱曠之虞而灤地本污下

遇雨久輒致淹浸

許文簡安仁字子靜獻州交河人登大定七年進士第  
侍御史賈鉉以安仁守道端慤薦於朝同知濟南府事  
路伯達繼上章言其立已純正宜加顯任明昌中爲汾  
陽軍節度使泰和五年卒謚曰文簡安仁質實無華澹  
然有古君子風爲時人所稱

石抹元毅本名神思咸平府路酌赤烈猛安莎果歌仙  
謀克人明昌中以最遷汾陽軍節度副使時石嵐間賊  
黨嘯聚肆行剽掠朝廷命元毅捕之賊畏而遁元毅追  
襲盡殪之二境以安遷同知武勝軍節度使事別郡有  
殺人者屢鞫不伏元毅訊不數語卽具服河東北路田  
多山坂磽瘠大比時定爲上賦民力久困朝廷命相地  
更賦元毅以三壤法平之民賴其利後戰歿於撫州贈  
信武將軍元毅性沉厚武勇過人每讀書見古人忠義  
事未嘗不差歎賞慕喜動顏色

胥鼎字和之尙書右丞持國之子也大定二十八年擢  
進士第入官以能稱至寧初由戶部尙書拜參知政事  
貞祐二年五月宣宗將南度留爲汾陽軍節度使兼汾  
州管內觀察使十一月改知平陽府事兼河東南路兵  
馬都總管權宣撫使三年拜樞密副使權尙書左丞行

省於平陽宰相高汝勵言於帝曰胥鼎才擅衆長身兼數器宜召還朝省四年進封溫國公致仕元光元年晉陽公郭文振奏河朔受兵有年矣向皆秋來春去今已盛暑不廻且不嗜戕殺恣民耕稼此殆不可測也伏見前平章政事胥鼎才兼將相威望甚隆向行省河東人樂爲用今雖致政精力未衰乞付重兵使總制公府同力戰禦庶幾人皆響應易爲恢復惟陛下圖之正大二年起復拜平章政事進封英國公行尙書省於衛州鼎力疾赴鎮來歸者衆三年七月薨鼎通達吏事有度量爲政鎮靜所在無賢不肖皆得其懽心

烏古論德升本名六斤益都路猛安人明昌二年進士以翰林侍讀權參知政事與平章政事抹撚盡忠論近侍局預政宣宗怒未幾出爲集慶軍節度使改汾陽軍節度使河東北路宣撫副使復改知太原府事興定元年德升上言皇太子聰明仁孝保訓之官已備更宜選德望素著之士朝夕左右之日聞正言見正行此社稷之洪休生民之大慶也宣宗嘉納之二年元兵圍太原城破德升至府署謂其姑及其妻曰吾守此數年不幸力窮乃自縊而死其姑及其妻皆自殺詔贈翰林學士承旨方貞肅中近侍局陰乘朝政及德升罷相盡忠下

汾陽縣志卷四  
獄自是以後中外蔽隔以至於亡

完顏訛出虎隆安府猛安人大定二十八年進士累官補尚書省令史由忻州防禦使遷汾陽軍節度使兼經畧使興定二年九月蒙古木華黎破汾州出虎力戰死右金七人舊志列胥鼎石抹元毅二人

郭琪繁峙人延祐初知汾州以才能稱晉朝列大夫陸大用神峰人延祐中同知汾州廉正有威吏民守法畏服

李朝英孟縣人至正間判汾州有政績

程邦彥祁邱人同知汾州郡人德之及去撰遺愛碑

### 右元四人

茹志道洪武八年知汾州勤於治事而閭里不擾民咸稱之

紀正隴州人洪武三十五年知汾州有善政累官順天府尹

張軌清澗人永樂初知吉州起服除汾州民安其政任滿奏留加四品俸後以疾致仕

李善字元吉岐山人以進士正統初知汾州持已廉介察其便於民者力爲之興舉遷真定府知府

葉穆聞縣人以舉人天順初知汾州居一年調吉州

撫都御史李侃薦章言其去汾民思到吉民悅廉潔如水遷河間府同知

伍秀松溪人以舉人天順五年知吉州尋遷汾州有賢能稱詔旌異之

海鯉江夏人以進士宏治四年知汾州政尚廉察發姦摘伏如神居一載卒民悲思之

高俊膚施人以舉人宏治八年同知汾州剛正自任州北有峽路阻澗多伏盜俊伐石塞澗行旅賴以無患

李棠清苑人以舉人正德八年知汾州慷慨有大節務實政惠民理煩治劇井井有條後歷松江太原二府同

知擢戶部郎中及卒貧不能殮里人葬之題其碑曰清白吏

郁浩湖廣永寧衛人以進士正德十四年知汾州政簡嚴力興學校每朔望爲諸生講說經義不倦在任三年擢戶部員外郎至按察司僉事

何賢河間人以舉人正德十六年知汾州爲人倜儻政尚惠和居歲餘卒郡人德之爲肖像祀焉

王崇慶開州人正德戊辰進士以主事抗疏左遷沁州判官嘉靖二年遷分守冀南道以正風俗端士習爲務母老歸養後官至吏尚書贈太子太保

郭鏗陝西咸寧人以舉人嘉靖二年知汾州深沉有志操民畏服之擢戶部員外郎累官布政司左參議

王正宗固安人以御史謫潞州判官嘉靖七年知介休縣廉潔正直盜賊遠遁擢知汾州

劉坤壽張人嘉靖十五年由萬安縣擢知汾州廉靜愛民值強宗數撓法遂抗疏而歸民懷思之

於敖岷州衛人正德辛巳進士嘉靖十九年遷分守冀南道創外城及四鄉堡寨以資保障民永賴之累官大同巡撫

同巡撫

張信平京府人以舉人嘉靖十九年知汾州精明果毅

凡強梗病民力爲杜絕

孫清愍繼魯字道甫雲南右衛人嘉靖二年進士累官知淮安府織造中官過淮繼魯與之忤誣逮至京大學士夏言救免繼魯不謝言不悅改補黎平擢湖廣提學副使二十二年進分守冀南道執法不阿宗藩畏之及遷按察使也民送者塞於道而宗藩百餘人擁馬發其裝服衣外無長物愕然曰我高皇祖迄今百七十餘年罕見此官乃載酒追送二十六年擢右副都御史代楊守謙巡撫山西繼魯耿介所至以清節聞總督都御史翁萬達議撤山西內邊兵併力守大同外邊帝報可繼

魯抗章爭言紫荆居庸山海諸關東枕溟海拱護京師  
與鴈門寧武偏頭諸關西據黃河屏蔽全晉一也自偏  
頭寧武鴈門東抵平荆關爲山西長邊自右衛雙溝墩  
至東陽河鎮口臺爲大同長邊自又角山至雙溝百四  
十里爲大同緊邊自又角山至老牛灣百四十里爲山  
西緊邊論長邊則大同爲急山西爲緩論緊邊則均爲  
最急此皆密邇河套譬之門闕山西守左大同守右山  
西併力守左尙不能支又安能分以守大同之右使三  
關將士遠離堡戍欲不侵犯難矣萬達聞之不悅上疏  
言繼魯以危言相恐復遺臣書帝方倚萬達怒繼魯騰  
私書引往事遂逮詔下獄疽發於項瘐死繼魯爲巡撫  
僅閱四月山西人習其前政冀有所設施遽以非罪死  
咸爲痛惜宗藩有上書訟其寃者卽前奪視其裝者也  
世宗卽位贈兵部左侍郎賜祭葬廕一字謚曰清愍

高瑞肅字禮字與立德平人嘉靖七年舉鄉試第一明  
年以進士授彰德推官巨盜誣富家株連以百數守禮  
盡出之主獄者諸之御史會藩府獄久不決屬守禮一  
訊卽得乃大驚服及爲儀部郎中故事郡王絕近支得  
以本爵理府事不得繼封交城懷仁襄垣以繼封請守  
禮持之堅會以疾在告三邸人乘間行賂遂得請旗校

詞其事以聞所籍記賂遺十餘萬獨無守禮名帝由是知其廉二十五年遷分守冀南道尋遷按察使累官南京禮部尚書李本署吏部事希嚴嵩指考察廷臣署守禮下考勒致事後帝問守禮安在左右謬以老病對帝爲歎惜久之隆慶元年起戶部尚書歷刑部尚書左都御史時大學士高拱張居正更用事交相軋守禮周旋其間正色獨立人以爲難卒贈太子太保謚端肅

齊宗堯昌黎人嘉靖四十五年知汾州忠直有胆畧遇事慷慨直前隆慶元年俺荅入寇抵城下宗堯登堦設守具指授捍禦方畧卒得保全加河東運司同知仍管汾州事尋調忻州

白夏頴川人萬歷十年知汾州治事明敏實心於民善政不一

麻溶宣城人萬歷癸未進士二十三年由吏部郎中擢分守冀南道廉儉自持判斷神明

尹覺民萬歷三十三年以進士知汾陽縣廉幹有能聲以利民善俗爲務

劉一桂字存吾陝西盩厔人以舉人萬歷四十一年知汾州府爲清官第一向有石馬照汾州清官不到頭之語一任鑄鐵鳳鎮之擢雲南清軍驛鹽道副使



張九賢，歷城人。萬歷四十三年，以進士知汾陽縣。務滌民害，尤善治盜。代去後，民咸思之。

劉光祚，字洪基，榆林衛人。崇正三年，奉詔勤王。與何可綱等戰灤州，有功。遷汾州叅將。五年，與遊擊王尚義敗賊張有義於臨縣。賊還兵犯之，仍爲賊所據。光祚偕諸將逐賊，復臨縣。六年，賊犯石樓，光祚分三道進擊，大敗之。斬隔溝飛撲天虎等六人，獲首功三百七十。又數敗賊於臨永寧，撲天虎等詐降，光祚設伏斬之。已而擊敗賊魏家灣黑茶山。七年，勦敗王剛餘黨，斬四百餘級。加署都督僉事。爲山西副總兵，敗賊崞縣，復其城。八年，賊渠賀宗漢號活地草者，見其黨劉浩然、高加計破滅，僞乞降。光祚伏兵斬之。晉中羣盜皆盡。十四年，賊已陷河南襄陽，中原郡縣大抵殘破。光祚士馬無幾，雖少有克捷，而賊勢轉盛。及傅宗龍敗沒於項城，南陽震恐。光祚適經其地，唐王邀與共守，城陷遂死之。

費甲鏞，陝西咸寧人。崇正四年，以舉人知平遙縣。有善政。六年，改知汾陽縣。老穉扳轅立去思碑。時流寇蔓延，巡撫許鼎臣以曹文詔軍平定，備太原東。太監閻思印同總兵張應昌軍汾州，備太原西。賊至彰德，應昌等出兵進勦。甲鏞爲閻思印所逼，沒并死。士庶皆枕屍哭。劉

汾陽縣志 卷四  
太監聞之抗疏白其事

王肇生山東掖縣人崇正六年爲分守冀南道事實無可考有王公平寇碑見藝文

張首標玉田人崇正八年以進士知汾陽縣時宗藩橫恣慶成王立金字下馬牌於府門有司垂首聽命首標獨不屈榜於通衢曰敢有恃勢魚肉我民者輕則徑自發落重則具牒兩臺請旨究擬藩役聞之歛迹未幾卒民哀痛之

侯君昭知汾州府崇正十七年城破不屈死

劉必達陝西三原人崇正末知汾陽縣城破死之義男范奇芳亦自刎

右明三十人舊志列郝志道紀正張軌李善葉穆伍勇海鯉李棠郁浩何賢王崇慶於敖孫繼魯葛守禮郭鏗劉坤劉一佳尹覺民張九賢費甲鏊張首標劉必達二十二二人

馬鳴佩字潤南遼陽人順治元年以工部啟心郎擢守冀南道歷官兵部尙書總督兩江所至多建豎民咸德

之

黃廷栢遼東海州衛人幼孤事母至孝順治元年以薦獻知靈璧縣有治績轉大興縣五年擢知汾州府明年

死姜瓖之亂贈太僕寺卿康熙四十六年祀名宦祠五十六年又建專祠方守城時賊圍之數重廷栢選勇士夜襲賊營賊驚擾及旦賊來益衆陷東門入廷栢身當其衝連發矢中賊墮馬復巷戰自辰至午與壯士格殺數十百人會大風起晝晦賊截擊廷栢與壯士遂分被執不屈死

周召南字晉侯遼陽人順治六年知汾州府時寇亂初定召南以招徠撫綏爲務除豪強胥吏之爲民害者嘗命所屬州縣官徭賦有當開豁者當均平者悉稽以告將爲民請命令下比屋歡呼在任三年擢山西驛傳道民共立遺愛碑道左

史記功滿洲人順治九年由大名兵備道遷分守冀南道有政績十一年擢江南按察使民立去思碑

郎永清字定菴遼東廣寧人順治十四年知汾州府有善政累官山東巡撫

張奇抱聲平人康熙二十二年知汾州府盡心民事明年府境汾水秋水漲溢爲災凡五載困於淹浸撫循曲至思所以拯其民者不遺餘力審視地形高下修築隄堰民立石用誌不忘

馮雲燦金壇人以歲貢雍正二年知汾陽縣有惠政

六年擢本府同知熟悉民事時豪右藉銷鹽無端滋弊雲燎思永久便民遂有按糧攤課之議汾陽鹽稅得以循例輸納弊無從起者公之力也

寶容恂石城人以進士雍正七年知汾州府多善政創立西河書院拔擢秀民造就之成其材

張延年樂城人雍正癸卯舉人七年知汾陽縣廉正愛民待士以禮而抑其奔競治豪猾制胥役嚴盜賊民懷其善政被劾以去士民哭送於道者不絕

張學林丹徒人以貢生雍正八年知汾州府視利有可與害有可除力爲民任之汾陽舊食鄰近煎鹽後豪右與胥役朋比作奸卽以土鹽歸商銷假名巡查私鹽大爲民害至不能堪訴於官學林察知其隱積弊由是滌絕

林中枏泗州人以歲貢雍正八年知汾陽縣慈祥愛民時知府張學林崔應階相繼釐清鹽法檄縣議覆中枏以鹽稅及平餘總攤入地丁銀內徵收永除豪右侵害且杜額外加耗之漸有碑記在任多惠政

崔應階江夏人以廩生雍正九年知汾州府遇事明而果斷初蒞任前守理汾陽鹽政商銷病民案未結以法治之不少貧家稱無所施其技

張坦讓漢陽人以舉人乾隆四年知汾州府廉正恤民先是雍正十年查墾荒地晦寧鄉縣知縣邵之楷虛報可墾地四百頃二十餘晦實無其地後知縣吳錯念民力不支欲請不得間會坦讓至遂以爲言坦讓力任之得具題豁免在官八年多善政

朱廷掄字翹亭順天大興籍浙江會稽人雍正庚戌進士乾隆六年知汾陽縣慈祥明察治獄務虛衷不輕用三木民有因姦殺其本夫者姦婦誣指讐某於五更時呼與共樵遂被害拘至則其人方宰羊有血刃焉而察婦無戚容乃緩鞫密訪之具得其實獲真犯抵罪一時稱神明嘗值亢旱步禱於介邑綿山甘雨立沛人有百里隨車之喻五載去官民謳思之

徐珏南豐人乾隆二十七年以進士知汾陽縣謝絕餽遺裁免行戶縣役素橫肆珏痛懲之於是民情纖悉得達於官數月惠聲大著盜賊至相戒不入境縣倉例春放秋收名取耗息若干而民還輒倍遠鄉下戶不親納賦三倍未已入務精善出時徃徃以粗惡其弊不可究詰民咸苦之珏親其收放令出入如例蓋珏未第時嘗遊汾晉間知其利病故勸令改要加以實心愛民民亦戴之如親父母未幾調寧武去之日自城至境壺榼不

絕送者塞途村民持田器奔來拜道左或望見已遠則  
遙拜之八九十歲老人言聞見以來汾陽好官一人而  
已。

顧學潮元和人乾隆二十八年知汾陽縣清操惠政一  
如徐令而才尤敏嘗密訪市井兇頑榜其名懸事左右  
凡酗酒鬪毆到官視壁上有名者重懲諸兇徒屏息汾  
陽故多民訟學潮得狀卽按去城遠近限時刻勾審用  
杜胥吏生弊甫一年推知澤州

北魏刁雙傳 按此傳乃魏書刁雍傳原文北史亦附  
雍傳云位西河太守爲政清簡吏人安悅較此爲詳  
按郡志宦績門有唐汾州刺史李道堅傳此失載

明劉必達傳 明史蔡懋德傳汾陽知縣劉必達袖出  
罵賊文賊謂而殺之其義勇范奇芳刺殺一僞都尉而  
自刎陝西通志必達山陽人崇貞庚辰特用進士授汾  
陽知縣遭閩逆之變不降投井賊引出繫太原陰通書  
於京口賊怒殺之二書所載較此爲詳

補明劉衍疇傳

劉衍疇字恆公洛陽舉人萬曆十九年由岢縣知縣擢

汾陽縣志 卷四  
牧汾州汾上地寒恆苦旱州人不解種木棉法所需石炭取給於百里外衍疇甫下車講求水利淪馬跑向陽諸泉灌田數百頃購木棉籽種散給民間教之樹植捐俸於北山麓開煤窰閭閻便之號劉公炭嚴保甲法捕強盜王池等十二名併訪緝棍宗慎勤等喇琥棍徒張節呂池等按例懲辦尤孳孳以化導爲先務朔望詣鄉約所稽善惡簿頌聖諭衍義於屬縣循俗訓解作爲詩歌以示勸考滿境內稱治撫按交薦升萊州府同知本萬歷十九年張世蘭所撰德政碑

正誤

唐楊越傳 按越官方山令此誤收

宋李謙溥傳 宋史太宗紀太平興國四年北漢節度使蔚進盧 以汾州降地始屬宋謙溥爲汾州路都監在開寶元年時用兵北伐遙領其職非親蒞其地也本傳在州十年自係官隰州刺史事此傳刪併宋史本傳以成文敘次未晰且宋時隰州領縣五維石樓一縣在今府境則謙溥官績當入郡志此不必載

宋張克彘傳 宋史本傳畢力捍禦句下有燕人先內附在城下者數十陰結黨欲爲內應悉斬之二十一字此刪之非是

汾陽縣志 卷四  
金胥鼎傳 副樞之拜金史宣宗紀及本傳皆云貞祐  
四年此作三年非是 金史本傳興定元年封莘國公  
四年進封溫此失載本封則進封字無着且本傳所云  
四年乃興定四年此敘次亦殊欠明晰

明王肇生傳 按此亦平寇碑誤收詳見藝文

續編

俞調元字祇文海甯人乾隆元年舉人三十六年由刑  
部郎中出守汾州會金川用兵晉省助餉百萬汾屬應  
輸三十萬乃集眾於城隍廟出矢言眾踴躍爭輸終日  
而畢既解餘平銀數千兩按冊分還之一錢不入私橐

大興朱文正公時爲方伯語人曰此山右第一賢太守  
也攝董甯道稽察驛站以勞卒官

雷汪度字蓮客錢塘人庚辰舉人乾隆中自陝州知州  
擢汾州知府性嚴厲蒞政務振刷時奸胥蠹役魚肉小  
民勢張甚擇其尤者重懲以法閭閻相慶郡學就圯率  
士紳重修並新郭忠武王祠郡城北原公水康熙間引  
三分之一遶城壕入泮池尋復淤塞仍浚入城故渠道  
之四十二年歲大歉斗粟錢八百開倉平糶民困少蘇  
所轄汾平介孝四邑仰食陝右自永甯以西綏德葭州  
榆林等處米穀率以筏渡磧口河陸運抵汾騾一頭載



八斗若以之駕車可致三石芻秣費等而運數多至四倍汪度相視形勢惟黃蘆嶺迤西十里須石工開鑿即可行車慨然曰此萬利也捐俸鳩工成坦途焉其志在愛民類此去任後民伐石以紀其德

岳祥字壽農長白人嘉慶中以部郎出守汾州汾俗嗜賭介休曹卜氏以賭橫一邑甫下車立置諸法境內肅然喜培植士類以禮延接訓迪不倦文風爲之不變累官歸綏道

李文起字郁瞻歸善人乾隆庚辰進士三十五年知汾陽縣縣志自康熙六十年知縣周超重修後五十餘載未遑編輯文起延休甯戴震踵其事重整義例結撰謹嚴爲方志中善本縣學自康熙十五年改建至是亦就圯率士紳鼎新之在任三年弊修墜舉治績卓然

吳邦治字濟川固始人乾隆辛丑進士嘉慶四年知汾陽縣屬清操一介不妄取署中費用不給輦家貲所有以佐之禮士愛民煦煦然如恐或傷然爲閭閻除害則法不少貸交山巨盜杜如蘭等久肆劫掠太汾二郡罹其毒設計擒之復踰獄逃亟置諸重典一方賴以安堵歷任九載以循良報最擢解州知州

王世燿真定人道光八年以進士知汾陽縣性明敏不

假手吏胥訟至立決案無留牘關防嚴密二子在署外  
無識其面者蠹役楊姓恃勢橫邑中人莫敢抗張蘭同  
知某歿於署躬往索逋百計粹辱其遺孤世燿立抵於  
法

李發英字冰岩曲沃人壬戌進士嘉慶中官汾州教授  
生有異稟書過目終身不忘其學主於無所不窺詩古  
文詞鴻博偉麗有古作者風問業者戶外屢恆滿悉心  
講授多所成就著有十三經精旨諸史摘要等書

杜沐清源人嘉慶元年以舉人官汾陽教諭制舉業黜  
浮去僞一宗先正其誨人口講指畫微疵必斥迄今藝  
林猶時述其緒論奉爲矩矱

光緒十年續修

正誤

明齊宗堯傳按葛端肅公奏禁酷吏以全民命疏云鞫  
審祇宜隔別參對多方詳究自可得情即有決罰應用  
鞭朴今不論罪犯輕重動用夾棍等刑一事未竟已弊  
一二命到任暮年拷死數十人見諸章奏如汾州知州  
齊宗堯二年致命五十人惜未重處考汾州知州齊宗  
堯嘉靖四十五年任蒞汾凡六載調忻州萬曆郡志順  
治康熙邑志但列名職官門備載隆慶守城功其人蓋

武健嚴酷而疏於撫字者乾隆舊志列之名宦非是  
續編

霍慶姚字漪閣沁水人嘉慶末年以進士官汾州教授  
訓士子先德行後文藝口講手畫孜孜不倦未嘗責人  
以所難歷任三十餘年成就後學指不勝屈士林迄今  
豔稱之

羅嘉福字訐庭順大大興人道光乙巳進士同治十年  
以侍讀來守汾州方正不阿潔己愛民大小政務皆躬  
親批發案無留牘循聲四起後來稱能吏者每首屈一  
指孝義某令詳申發塚重犯廉得其冤卒獲真犯某令  
服謝笑置之在郡數年爲汾除積弊多端任滿去汾民  
立德政碑紀其事光緒三年晉省大饑嘉福時家居工  
部侍郎閻敬銘督辦山西賑務 奏請嘉福來協贊多  
得其力

瑞斌字治庭鎮白旂滿洲人光緒二年知府事歲大祲  
督辦所屬賑務減騎從巡行查勘期無遺濫先是汾陽  
徭重歲常糜費錢二萬餘千民不堪命適上官以歲荒  
通檄均減徭役斌銳意遵行悉心講求設立坊里公所  
派紳耆管理更定章程示諭城鄉試辦民咸便之通詳  
甫發以積勞遘疾卒於官泄事僅五閱月當彌留時泣

語慕僚曰坊里事不辦成死不瞑目矣貧無以殮屬官等歸其櫬

姚官澄字練江順天涿州舉人以父蔭知嵐縣同治七年調任汾陽甫下車即出示誓衆矢清白三八日坐外衙受訟牘不實卽斥之或細故則勸止之弊政陋規力爲振刷民德之先是西陲不靖汾境遂爲大軍往來之衝兵勇有肆擾典質殺人者有司久不敢詰官澄至謁主帥立置之法由是稍稍斂迹在任二年陞朔州去之日行李蕭然民爲之立德政碑

方龍光字和甫安徽桐城監生少承家學能以經濟世其業咸豐初皖省寇亂跋涉數千里橐筆遊幕晉省以才能爲大府所倚重初任曲沃侯馬鎮巡檢屢遷知州光緒二年署汾陽縣事值歲屢歉之後訟獄繁滋爲設保教開誠布公以御之民賴以安是年冬籌賑貧民三月有差三年大祲復邀集紳耆捐款賑饑民六萬餘口其辦賑也采前人荒政之要酌因時制宜之法刊刻章程昭示所在奈饑僅類仍勞心案牘四年二月竟以疾告當其去汾也官民泣別送者塞途

汾陽縣志卷之五

職官

知縣一人教諭一人訓導一人典史一人冀村巡檢司  
巡檢一人

縣境於秦漢爲茲氏於晉以後爲隰城於唐上元以  
後爲西河明初省縣而汾州始爲親民吏至萬歷二  
十三年復設縣曰汾陽舊職官知縣而下又有縣丞  
一人主簿一人黃蘆嶺巡檢司巡檢一人汾陽驛驛  
丞一人並裁其職官題名明以前曰西河郡曰浩州  
曰汾州皆監司上官載在府志者縣志例不當列

隋隰城縣尉

房元齡 大業未

唐隰城縣丞

薛仁曖 開元中

隰城縣尉

杜審言 襄州襄陽進士年號無考

西河縣令

李紹 紀王慎之後

劉實 曹州南華人以上二人並年號無考

西河縣丞

李士恭 初名冢河間王恭之後年號無考

宋西河縣令

鄭起 建隆中

田畫 年號無考

西河縣司馬員外

盧象行 年號無考

元西河縣達魯花赤

怯烈 至元中

西河縣尹

高楫

西河縣主簿

程德明 至元中

楊志道 天歷二年

西河縣尉

馬天錫 至元中

明汾州知州

胡德元 洪武六年任

何大年 洪武十年任

張帆 陝西清澗人 初任

李善 陝西岐山人 初任

閻鐸 天順二年任

畢用 山東鉅野人 進士

徐敬 成化二十年任

海鯉 湖廣江夏人 進士

程觀 宏治八年任

劉果 順天府舉人 宏治十四年任

王勳 正德五年任

伍箕 江西吉安人 進士

郁浩 湖廣承寧人 進士

張鉞 山東舉人 嘉靖八年任

吳潮 江西新淦人 舉人

魏珏 河南許州人 舉人

劉坤 山東壽張人 舉人

茹志道 洪武八年任

紀正 陝西隴州人 洪武十五年任

王賓 山東武城人 嘉靖三年任

葉珍 福建順德人 初任

王瑋 湖廣松溪人 舉人

耿昇 北直衡水人 舉人

鄧真 河南固始人 舉人

張恕 陝西汧陽人 舉人

安鵬 陝西咸寧人 舉人

武衛 山東進士 宏治十年任

李棠 北直清苑人 舉人

紀助 雲南舉人 正德八年任

何賢 北直河間人 舉人

郭鏗 陝西咸寧人 舉人

王正宗 北直固安人 進士

王確 南直潁上人 舉人

張瑄 陝西平涼人 舉人

曹寵 北直肅寧人 嘉靖二十二年舉人 嘉

陳秉忠 北直遵化人 嘉靖三十年舉人 嘉

張朝憲 雲南景東人 嘉靖三十六年舉人 嘉

王大經 河南南陽人 嘉靖四十年舉人 嘉

甯策 河南南陽人 隆慶二年舉人 嘉

周鐸 南直太倉人 進士 隆慶二年舉人 嘉

張一敬 山東朝城人 舉人 董選 河南南陽人 隆慶五年舉人 嘉

白夏 南直潁川人 舉人 周文耀 北直廣宗人 白

劉衍疇 河南洛陽人 萬曆十年舉人 萬曆十四年舉人 白

汾州同知 滑恭 直隸保 定人 正統

劉欽 洪武十 六年任

滑恭 直隸保 定人 正統

王懋 洛南人

駱敏 廣昌人 正統

夏寅 當塗人 景泰元年任

蔡昭 天順二年任

陳宰 天順三年任

劉庠 成化七年任

劉鐸 成化七年任

任俊 成化二十 三年任

高俊 宏治五年任

席汝宏 正德二年任

李玪 正德五年任

康誥 正德八年任

張珩 正德十年任

劉鉞 正德八年任

蘇瓏 北直人

張恩 天順人

選應聘 山東人

何萬春 陝西人



王達 湖廣麻城人

郇琦 山東德州人

王希賢 陝西金州人

黃辰 陝西咸寧人

蕭相 湖廣靖州人

宋嘉猷 陝西耀州人

趙崇儒 陝西河縣人

王應聘 山東霑化人

夏詔 陝西涇州人

劉禴 江西北上饒人

陳敬則 浙江安昌人

沈一奇 北直宿州人

李陳謨 陝西通渭人

母鉞 北直天津人

王登雲 陝西高臺人

鄭禧 北直棗強人

楊喜慶 河南孟津人

汾州判官

馬愷 景泰元年任

孫宏 天順三年任

趙康 成化七年任

卜麟 成化十年任

張廷 成化二十年任

劉澄 宏治七年任

任遵 宏治八年任

可盛 宏治十年任

郝天麒 宏治十年任

辛泰 正德二年任

劉致隆 正德十年任

魏卿 北直故城人

楊槐 正德十年任

李勝 陝西耀州人

李崇儒 山東人

盧松 山東人

王機 河南步人

馬負圖 河南尉氏人

高文學 北直人

劉賢 北直人

陳以直 北直開州人

潘位 遼東人

康澗 浙江永嘉人 嘉靖三十九年任

馬宗儒 北直隆平人 嘉靖四十一年任

楊守公 北直興州人 中屯衛歲貢 五年任

王守謙 南直武進人 隆慶三年任 邱思敬 陝西涇陽人 隆慶五年任

高魁 蔚州左衛人 隆慶六年任 直六安

張齡 北直深州人 歲貢 張仕 河南新野人 萬曆二年任

申九峰 山東恩縣人 舉人 胡璉 陝西籍 萬曆七年任

蕭韶 湖廣慈利人 舉人 邵子書 北直清河人 萬曆十一年任

楊春芳 江西南長洲人 監生 秦自化 陝西三原人 萬曆十五年任

劉杞 北直定州人 監生 俞起運 北直定州人 萬曆二十年任

杜良翰 北直新城人 監生 萬曆二十二年任

汾州學正

梁舉 洪武六年任

尼繕 大陸人 正統十二年任

林洪 天順三年任

賈鉞 成化十年任

杜宣 成化十年任

武鉞 山東平原人 成化二十年任

樂鳳 成化二十三年任

胡健 北直靈壽人 舉人 宏治十二年任

石雲 南直江都人 舉人 宏治十八年任

李孟燾 福建長汀人 舉人 正德六年任

樊曷 北直清苑人 舉人 正德十六年任

陳德 陝西長安人 舉人 嘉靖五年任

張讓 北直固安人 舉人 嘉靖十年任

張鸞 北直完縣人 歲貢 嘉靖十六年任

王斌 河南淇縣人 舉人 嘉靖十九年任

王堂 河南汝寧人 歲貢 嘉靖二十三年任

姜曦 北直威縣人 嘉慶元年任

林大槐 福建莆田人 嘉慶元年任

張三畏 北直德州人 嘉慶二年任

陳汝聽 陝西秋道 嘉慶元年任

裴檀 夏縣人 嘉慶元年任

李根 河南孟津人 嘉慶元年任

汾州訓導

劉臯 洪武十年任

李珍 陝西朝邑人 正統十二年任

任瑤 陝西人 嘉慶元年任

崔朝 山東益都人 嘉慶元年任

宋崇獻 山東武定人 嘉慶五年任

方梧 北直人 嘉慶二年任

楊九章 沁州人 嘉慶元年任

馬汝順 北直人 嘉慶元年任

馬遇伯 北直人 嘉慶元年任

朱貞 南直江都人 正統四年任

張紹宗 天順二年任

章文 天順三年任

劉鐔 成化七年任

左貴 成化八年任

孫琰 成化二十年任

胡政 宏治八年任

李記 山東萊陽人 嘉慶元年任

劉愷 河南儀封人 嘉慶元年任

李鳳 北直人 嘉慶元年任

趙文顯 陝西平涼人 嘉慶元年任

張獻 嘉慶元年任

蘇豐 正德十年任

霍世隆 陝西人 嘉慶元年任

張振 北直人 嘉慶元年任

周流 陝西人 嘉慶元年任

鄒世才 山東人 嘉慶元年任

吳江 陝西人 嘉慶元年任

劉希祐 北直人 嘉慶元年任

岳東暘 陝西人 嘉慶元年任

王統 陝西人 嘉慶元年任

許義 河南人 嘉慶元年任

楊光先 北直難澤歲貢嘉 高岡 陝西合水歲貢嘉

李應科 河南南步縣歲貢嘉 張文靖 河南盧氏歲貢嘉

尹大志 山東曹州歲貢 姬國用 陝西榆林年任歲

張士舉 北直武邑年任歲貢 任世鰲 陝西永壽年任歲貢

張邦彥 安邑歲貢萬 楊灼 山東莘縣歲貢萬

陳三餘 潞城歲貢萬 李邦柱 解州年任歲貢萬

王嘉孝 寧鄉歲貢萬 王瑤 山東歷城歲貢

荆來庭 騎氏年任 曲應鵬 歲貢

程講道 歲貢並上籍無考

王政 古蒲人正統 趙榮 景泰元

趙傑 成化七年任 孫貴 成化十年任

芝茂 成化二十年任 聶成 宏治十年任

王翔 宏治八年任 李廣 宏治十年任

龍濱 正德五年任 林靖 正德十年任

韓世雄 四川眉 楊瑚 河南

張友倫 陝西三原人嘉 王尙智 山東恩縣人嘉

楊雲鳳 陝西陽人嘉 劉翔 北直博野人嘉

寇仲哲 陝西安定人嘉 何宏 北直豐潤人嘉

趙漢 陝西元年任 王登 北直永清人

汾州吏目

陳邦佐 河南鄆城人 陸慶五年任

高謙 北直獻縣人 歷二年任

劉孟冬 北直安平人 萬歷四年任

張一弛 陝西白水人 萬歷八年任

魯喬寵 山東濟陽人 萬歷十三年任

吳昌齡 山東德州人 萬歷十三年任

姜繼志 北直永寧人 萬歷十七年任

劉汝大 河南太康人 萬歷十九年任

柯之茂 北直貴池人 歷二十一年任

汾陽縣知縣

蔡成已 順天通州人 萬歷已丑進士 二十三年任

鮑永酌 北直東明人 萬歷北直真定府舉人 歷二十六年任

彪準 陝西咸寧人 萬歷西直韓城人 萬歷乙未進士 三十年任

尹覺民 北直冀州人 萬歷辰進士 三十年任

張國瑞 北直樂亭人 萬歷未進士 三十年任

張九賢 山東歷城人 萬歷歷四十年任

黃纘祖 陝西咸寧人 壬戌進士 六年任

賈允迪 北直天津人 崇正西咸寧人 舉人 任

武清周 陝西華州人 崇正東滕縣人 舉人 任

張首標 北直玉田人 崇正北直大興人 舉人 任

高位 北直鹽山人 崇正原進士 任

汾陽縣縣丞

劉愛 陝西高陵人 萬歷歷二十四年任

徐四教 北直獲鹿人 萬歷歷三十四年任

金命器 北直建德人 萬歷歷三十四年任

盧大道 北直三十八年監生萬 沈士亨 歷江嘉善監生萬

王斗宿 南直靈璧人吏員 周時悅 白河監生萬 歷任

李汝松 陝西靖邊人功 李榮先 棗陽人吏員 天啟六年任

史承憲 浙江山陰人吏 畢世禴 江西貴溪人 選貢崇正

汾陽縣主簿 劉增 陝西乾州人 萬 祿天賜 河南永寧人 選貢萬

呼箎 陝西葭州人 任 王輅 直高郵州人 監生

崔瑞行 北直海門人 監生 任 任貴 衣衛儒生 萬

俞萊 南直歙縣人 監生 萬 羅四垣 河南光山人 歲貢萬

郭如岱 山東單縣人 監生 萬 袁有慶 南直五河人 恩貢萬

王文貴 北直鉅鹿人 吏員 黃守謙 南直歙縣人 監生萬

馬文玉 南直蘇州人 吏 倪尙文 浙江上虞人 吏

朱先桂 廣西桂陽人 監生 邱人鳳 廣東饒平人 例監

吉科 北直正玉田人 吏員 沈昌胤 浙江仁和人 吏員

汾陽縣教諭 李守義 北直寧津人 歲貢萬 王嘉績 安邑舉人 萬 歷

趙一鶴 稷山人 歲貢萬 歷 右炳 直太湖人 選貢萬

范聯芳 山東黃縣人 舉人 萬 楊元裕 蒲州人 舉人 萬

閻明望 長治人 舉人 萬 歷 周自立 河南開封人 歲貢

張斗文 高苑人 歲貢天 李希映 解州人 舉人 天

張斗文 高苑人 歲貢天 李希映 解州人 舉人 天

古景 正五年任 安邑歲貢崇

董繪 正七年任 北直定州歲貢

王正倫 崇正九年任 河南閿鄉歲貢

韓居觀 正十四年任 洪洞舉人崇

汾陽縣訓導

令狐梅 二十歲貢萬歷

何博載 歷三十歲貢萬歷

何志 三十五歲貢萬歷

王化新 三十八歲貢萬歷

李果實 臨汾十九歲貢萬歷

王三接 廣東竟白恩貢

王極 四十二歲貢萬歷

燕鹿鳴 陝西四十三歲貢萬

師道亨 蒲州二歲貢天

白三遷 徐溝七歲貢天

張信 正四年任 靈石歲貢崇

李華然 遼州八歲貢崇

班執玉 正十年任 聞喜歲貢崇

姚之鎮 正十五年任 五臺歲貢崇

汾陽縣典史

張世忠 順天寶坻人 吏員

田守分 北直真定人 吏員

王興 北直博野人 萬歷乙

蘇守岳 浙江餘姚人 吏員

姚汝華 南直三河人 吏員

程應泰 南直歙縣人 吏員

張桐 陝西渭南人 吏員

張繼善 山東臨朐人 吏員

謝泰亨 江西永寧人 吏員

方嘉詔 福建莆田人 吏員

張仕化 臨湘人 吏員

傅宗益 浙江元人 吏員

胡克明 浙江錢塘人 吏員

楊作震 湖廣人 吏員

陳相國 浙江人 吏員

馬映 南直靈璧人 吏員

李茂椿 河南人 吏員

熊尚忠 江西南昌人 吏員

石之珩 陝西同州人 吏 員崇正六年任

董自揚 北直易州人 吏 員崇正八年任

劉鴻賢 陝西耀州人 吏 員崇正十年任

馬明耀 陝西華州人 吏 員崇正十三年任

國朝汾陽縣知縣

梁可培 直隸容城人 恩貢 順治二年任

李岱陽 河南封邱人 進士 順治三年任

張蘊 奉天遼陽人 選貢 順治五年任

吳應元 奉天廣寧人 貢生 順治六年任

吳世英 奉天蓋州人 貢生 順治八年任

楊煥 湖廣孝感人 舉人 順治十三年任

龐載 湖廣江夏人 貢生 順治十七年任

郭迪階 福建龍溪人 舉人 康熙三年任

趙其星 山東德州人 順治辛丑進士 康熙七年任

徐熙明 湖廣羅田人 舉人 康熙十年任

卞三畏 奉天蓋州人 舉人 康熙十一年任

崔秉政 奉天海城人 舉人 康熙十三年任

楊斌 江西南上元人 順治辛丑進士 康熙十八年任

陳念祖 山東德州人 貢生 康熙二十一年任

龐知璧 廣東南海人 舉人 康熙二十三年任

李聯 江西南丹徒人 貢生 康熙二十四年任

張時華 直隸滄州人 舉人 康熙三十六年任

王氏陟 福建寧化人 舉人 康熙三十七年任

盧承宗 奉天廣寧人 官監 康熙三十九年任

馮長祚 陝西長安人 貢生 康熙四十六年任

平士楨 浙江山陰人 舉人 康熙五十年任

周超 浙江上虞人 康熙己丑進士 康熙五十八年任

陸又 江西南長洲人 舉人 雍正元年任

馮雲燦 江西南金壇人 貢生 雍正二年任

張延年 直隸樂城人 舉人 雍正七年任

林宗柎 江西南泗州人 歲貢 雍正八年任

鄒文炳 廣東番禺人 舉人 雍正十一年任

袁學謨 江西南九江人 進士 雍正十一年任

張克緒 滿洲人 雍正十三年任

張鴻舉 河南杞縣人 舉人 乾隆四年任

朱廷掄 順天大興人 籍浙江會稽人 雍正庚戌進士 乾隆六年任



沈廷珍 乾隆十年任舉人

會三省 乾隆十五年任舉人

金潢 乾隆十七年任舉人

金修仁 乾隆十八年任舉人

李鍾份 乾隆二十年任舉人

吳學昌 乾隆二十一年任舉人

馬兆麟 乾隆二十年任舉人

永常 乾隆二十年任舉人

徐珏 乾隆二十年任舉人

顧學潮 乾隆二十年任舉人

陳曾公 乾隆二十年任舉人

朱濟 乾隆二十一年任舉人

李文起 乾隆二十年任舉人

汾陽縣主簿

吳展彩 直隸大興附監順治元年任以後缺裁

汾陽縣教諭

李森 萬泉恩貢順治三年任

呂奇齡 平定州人崇正己卯舉人順治九年任

蘭可玲 吉州歲貢無考

任文炳 大同府歲貢康熙十年任

王綸世 長治人順治三年任

馬登瀛 陽曲人順治五年任

楊遷 蒲州人康熙十二年任

張燁 呼縣人康熙十四年任

李裕 汾州人無考

李鯤 絳州人康熙十四年任

賈若瑚 陽曲人無考

羅經 猗氏人康熙十四年任

喬雲綬 猗氏人康熙六年任

郭楊 長治人雍正二年任

張超鹿 孟縣人雍正五年任

呂儲 夏縣人雍正五年任

趙郊 平陸人乾隆三年任

汾陽縣訓導

趙承祚 興平歲貢 順治四年任

馮嘉祥 平定州歲貢 順治十年任

楊大觀 曲沃歲貢 順治十六年復設

周之晉 安邑歲貢 康熙十年任

傅南宮 汾西拔貢 康熙十年任

劉之俊 交城歲貢 康熙十年任

李加培 大同歲貢 雍正十年任

單自新 大同歲貢 雍正十年任

鄭維翰 文水歲貢 乾隆六年任

李芳桂 陽曲歲貢 順治八年任

王宗堯 中任

田喜澤 馬邑歲貢 康熙二十年任

王爽會 太平貢生 康熙四十七年任

樊之楷 臨汾歲貢 雍正十年任

張鳳翽 大同歲貢 雍正十年任

劉壘 洪洞歲貢 乾隆十年任

樊金魁 曲沃歲貢 乾隆十年任

張澤英 浮山歲貢 乾隆十九年任

王廷淑 吉州歲貢 乾隆三十年任

汾陽縣典史

蕭雲鵬 順治二年任

張德明 順治九年任

李之實 順治九年任

郁焜 順治九年任

李錦 順治十五年任

龔國翰 順治十五年任

單元正 順治九年任

童欽敬 順治五年任

侯瑁 順治十三年任

李達孝 順治十三年任

翁肇 順治十三年任

王朝聘 順治十四年任

熊廷臣 順治十四年任

陶棟梁 順治十四年任

馬又隆 順治十四年任

汪履仁 安徽休寧監生乾隆二十四年任

虞山 江蘇金壇人軍機處方畧館議叙乾隆三十二年任

汾陽縣黃蘆嶺巡檢司巡檢

婁成章 直隸通州籍

謝培緒

劉珏 直隸定州人

曹士英 直隸宛平人並年號無考

黃世鑣 浙江義烏人康熙四十九年任

任仁 浙江山陰人康熙五十四年任

陳丕顯 浙江會稽人康熙五十七年任

王振珏 直隸薊州人吏員乾隆四年任

高軾 浙江山陰人吏員乾隆七年任

李潢 浙江山陰人供事乾隆十一年任

辛先甲 滿洲監生乾隆十五年任

冀村巡檢司巡檢

辛先甲 即黃蘆嶺巡檢司乾隆二十一年任 周麟生 江南吳縣人吏員乾隆二十七年任

蔣國榮 浙江會稽人吏員乾隆二十九年任

道光三十年重修

補遺

北齊隰城令相里榮矩 見北齊天保三年崇勝寺佛像碑 宋西河令汪

舜昭 見宋崇甯五年承澤廟碑 金西河令楊世惠主簿張正尉卞玫

見金皇統七年顯慶禪院鐘款識 西河令完顏永貞蒲察高涅丞曲從

正主簿孫道康尉王中僂 見金泰和三年顯慶禪院請寶公開蘇碑 明汾州

判官趙榮吏目王勉訓導洪讓稅課大使辛得倉大使

馬夏副使孫文朝丞程浩 見明景泰二年御祭白彪山馬跑泉神碑

正誤

隰城丞薛仁駿 新唐書宰相世系表薛元駿官隰城令此誤令為丞又誤元為仁

續編

汾陽縣知縣

陳訓 廣西象州舉人 乾隆三十八年任 蔡珍煥 江西新建舉人 乾隆四十二年任

徐大緯 順天大興監生 乾隆四十九年任 呂長生 順天大興舉人 乾隆五十六年任

喬維鏞 河南嵩縣監生 乾隆五十八年任 李以健 江蘇崑山進士 乾隆六十年任

王瑀 陝西咸甯監生 嘉慶二年任 范士增 陝西長安舉人 嘉慶四年任

吳邦治 河南固始進士 嘉慶四年任 李景陽 雲南鶴慶州舉人 嘉慶十二年任

楊愷 山東蘭山舉人 嘉慶十五年任 楊文瑾 四川漢州舉人 嘉慶十七年任

王世棠 順天宛平進士 嘉慶二十三年任 林濟源 山東歷城拔貢 道光二年任

王世耀 直隸正定進士 道光八年任 岳維城 四川中江進士 道光十一年任

王繼蘭 山東濟甯州舉人 道光十五年任 曹文錦 直隸獻縣舉人 道光二十二年任

周貽纓 廣西臨桂進士 道光二十九年任

汾陽縣教諭

李如星 遼州舉人 乾隆四十年任 馬鍾謙 代州舉人 乾隆四十九年任

杜沐 清源舉人 嘉慶元年任 李映輝 芮城舉人 嘉慶十一年任

毛爾杰 夏縣歲貢 嘉慶十六年任 鄭資履 五臺舉人 嘉慶十九年任

白燦 太谷舉人 嘉慶二十五年任 裴世傑 猗氏舉人 道光七年任

宋裕 陽城舉人道 光十七年任

張元恩 河曲舉人道 光十九年任

汾陽縣訓導

石瑾 甯武歲貢 乾隆四十二年任

李鵬昇 乾隆四十六年任

閻晉錕 文水舉人 嘉慶八年任

邢汝楫 崞縣廩貢 嘉慶十八年任

毛應豐 夏縣舉人 嘉慶二十四年復任 陳棠 堽洪洞廩貢 道光五年任

王鎮東 徐溝舉人 道光二十年任

段紫綬 絳州附貢 道光二十七年任

冀村巡檢司巡檢

姚學閔 浙江山陰監生 乾隆四十年任

嚴引千 大興吏員 乾隆五十年任

侯軒 江蘇金匱生員 嘉慶元年任

黃允明 大興吏員 嘉慶五年任

袁以燧 江蘇奉賢監生 嘉慶八年任

李邇遐 順天宛平供事 道光四年任

楊如楨 河南禹州監生 道光六年任

秦大猷 陝西長安監生 道光九年任

楊增齡 順天大興供事 道光十一年任

沈杞 浙江慈谿監生 道光十八年任

沈良馴 順天宛平監生 道光二十三年任

俞世枋 順天大興監生 道光二十四年任

汾陽縣典史

朱一政 安徽含山附生 乾隆五十三年任

張保甯 順天宛平監生 嘉慶六年任

王祖榮 順天大興監生 嘉慶十年任

陳邦達 順天固安監生 嘉慶二十五年任

謝元 山東歷城供事 道光四年任

周欽 順天宛平監生 道光十二年任

种應元 甘肅皋蘭吏員 道光二十四年任

光緒十年續修

汾陽縣知縣

吳輝垣 安徽懷甯舉人 咸豐七年任

慶文 滿州正黃旗進士 同治五年任

姚官澄 順天涿州舉人 同治七年任

朱安國 浙江海鹽增貢 同治十年任

張元鼎 江蘇婁縣舉人 同治十二年補未任

李煥揚 河南鄭州拔貢 光緒元年任

慶文 滿州正黃旗進士 光緒七年復任

李其滋 江西崇仁副榜 光緒十年任

汾陽縣教諭

段靈淵 曲沃舉人 咸豐五年任

董音康 萬泉舉人 同治九年任

裴國苞 陽曲舉人 光緒六年任

汾陽縣訓導

梁舒翹 定襄附貢 咸豐元年任

趙世杰 陽曲廩貢 咸豐五年任

栗惟長 河津附貢 咸豐六年任

侯佩玉 代州附貢 咸豐六年任

徐繼堦 代州附貢 咸豐十年任

左天福 岳陽廩貢 同治八年任

李師翹 襄垣歲貢 光緒三年任

梁舒翹 定襄附貢 光緒六年復任

冀村巡檢司巡檢

張凱元 四川銅梁從九 同治二年任

茹銘 山東蓬萊監生 同治十年任

孟文福 順天涿州附貢 光緒八年任

汾陽縣典史

潘釗 浙江仁和監生 咸豐七年任

周含輝 山東濟陽監生 同治五年任

吳知微 順天大典監生 同治十二年任

王萬森 順天通州監生 光緒八年任

譚士紳 浙江山陰監生 光緒九年任



食封

漢昭平侯夏侯嬰以定楚功益食茲氏

史記索隱云縣名也地理志屬

太原原

元朔三年封代共王子

劉忠

為隰成侯四年立西河郡

隰成屬焉其地在今永甯州之西非縣境故不載入

又魏武分匈奴之眾為五部以劉豹為左部帥居茲

氏然與食封不同故亦不列晉咸甯三年八月癸亥

徙陳王斌為西河王考晉之西河國領縣四時西河

仍漢永和五年徙治離石之舊而斌分西河王邑千

七百一十戶非四縣皆其所封也故不載入

北魏西河王元太興太和二十年由前京兆王改封子昂孫棕襲

北魏置西河郡治茲氏城始於太和八年前此世祖時封元敦西河公天安元年封元右都西河公並非縣境故不載入

北齊西河王高紹仁文宣帝第四子天保初封

西河王高仁機武成帝第八子天統三年六月封

西河縣公任延敬

西河郡公乞伏令和

北周西河縣公獨孤景雲廣柯縣公楷子周末以父功

封

西河郡公乞伏慧仕周以軍功封隋仍舊封

北周無西河縣其曰西河縣公以郡公縣公爲封爵而蒙西河之稱耳

隋西河公紇豆陵

西河郡公竇洪景官驃騎大將軍封子儼孫明哲襲

唐西河郡公溫彥博武德初以勸幽州總管羅藝歸國封貞觀四年晉虞國公

西河公竇敬遠孫善衡曾孫懷宣元孫印襲

西河郡公郭英父後晉封定襄王



西河公張綸

五代晉西河郡開國侯相里金

元西河郡侯靳德淵

明慶成王濟炫晉恭王第四子也晉恭王桐太祖第三子母高皇后濟炫始生太祖方御慶成殿宴故他王率繫以地而王獨號慶成國汾州成祖時坐事召還薨諡莊惠子美靖嗣薨諡恭僖子鍾鎰嗣長子奇慎嘗代父理府事箠死無辜七人晉王奉勅數慶成王失教責奇慎罪奪冠帶降爲庶人後更以孝聞鍾鎰薨諡溫穆奇慎嗣正德中以賢孝聞賜勅褒獎薨諡端順子表樂嗣

端順王生子七十人嘉靖初尙書王瓊以聞表樂樸茂寡言孝友好文學嘉靖三十年壽八十詔書嘉獎賚以金幣表樂薨諡恭裕子知嫌嗣薨諡安穆子新堤先卒諡悼懷新堤子慎鍾嗣薨諡榮懿子敏范嗣薨子求掄嗣薨子審賾嗣

永和王濟烺晉恭王第六子國汾州諡昭定子美塢襲以罪廢子順僖王鍾鈇襲薨子榮懷王奇清襲薨子靖惠王表梓襲薨子安簡王知煥襲薨子新墪襲薨子慎鍾襲

公主湯沐邑北魏文成帝女西河成公主薛初古拔

尙主西河公主薛洪祚尙主唐順宗第四女西河公主沈暈尙主

道光三十年重修

補遺

明永和王濟烺 明史諸王世表新壇諡莊定慎鏞諡恭懿慎鏞後有敏霍一世此俱失載

正誤

隋西河公紇豆陵 隋書吐萬緒傳高祖大舉渡江以緒領行軍總管與西河公紇豆陵洪景屯兵江北按紇豆陵爲代北著姓孝文時始改竇氏隋書所謂西河公

紇豆陵洪景卽新唐書宰相世系表之西河郡公竇洪景此誤判爲兩人

唐西河公竇敬遠 竇氏四世西河公之封乃沿新唐書宰相世系表之訛按唐元和三年竇易直所撰竇叔向碑敬遠下尙有紹一代紹以西河郡公改封荏平公則善術以下三世不得仍襲西河舊封矣

明慶成王濟炫 明史諸王列傳濟炫永樂元年徙居潯州坐事召還太原十年徙汾州此誤敘坐事召還於徙汾後殊非事實且坐事召還乃居潞時事此志不必錄諸王世表知嫌作知嫌新堤作新堤求掄作求掄皆

當以史爲正

流寓

王庭筠字子端河東人大定十六年間進士明昌元年  
罷官卜居彰德買田隆慮讀書黃華山寺因以自號三  
年詔爲應奉翰林文字遷翰林修撰泰和二年卒求生  
平詩文藏之秘閣又以御製詩賜其家其引云王遵古  
朕之故人也乃子庭筠又以才選直禁林者首尾十年  
今茲云亡玉堂東觀無復斯人矣庭筠儀觀秀偉暮年  
詩律甚嚴七言長篇尤工險韻書法學米元章與趙風  
趙秉文俱以名家進古爲汾州觀察判官時庭筠省親  
至此有行書詩石四片舊志載其詩入藝文非是地所

作例不當入附錄於此其詩曰帝遣名山護此邦千家

瑟瑟嵌西窗山僧乞與山前地招客先開冊雙

冊四十也地四

晦爲雙按冊字或作弄作四十解不可作四十讀如二十曰廿音入三十曰卅音撒是也單下冊字乃六言句不成七絕矣此亦好奇之弊今其詩在縣學泮池西手拄一條青竹杖真成日挂

百錢游夕陽欲下山更好深林無人不可留王母祠東

古佛堂人傳棟宇自隋唐年深寺廢無僧住滿谷西風

栗葉黃挂鏡臺西挂玉龍半天飛雪舞天風寒雲直上

三千尺人道高歡避暑宮

金時

孫翥字鳳儀汴梁人父仕元爲集賢殿大學士至正二

十八年四月九日明兵取洛陽執居守者令各寫平安

書以慰出征將士時翥之父獨不寫洪武年號投筆遂

自經死汾陽縣大相里卜山書院有翥所作詩碑序稱

恐歲月愈久傳聞失真乃泣血以紀其實庶他日太史

氏有所采焉其詩曰乾坤瀕洞風塵際父子君臣義獨

全身恥帝秦甯蹈海心知尊晉不書年孤忠閔苑三秋

月濁世齊州九點煙萬古姓名應不朽黃河如帶嶽如

拳又有八哀詩序稱至正戊申家僮自覃懷來報鶴平

安因感時之不幸而志之不遂乃作八哀詩以洩其憤

其詩曰歷數乾坤破山河道路難鄴城秋草合易水朔

風寒買勇曾劉墨輪平李杜壇林泉心不遂空報鶴平

安茅土恩雖重蕭牆禍已胎關山豺虎鬪江海鱗魚來  
管樂才何忝風雲氣自迴深嗟王子晉愁霧鎖蓬萊萬  
里長城壞千齡劫數遭卧龍終爲漢司馬已歸曹秋氣  
纏金闕將軍折寶刀九重無路訴短髮不勝搔狡兔蹄  
方健韓盧鼎欲燃旌旗朝入雒謗篋暮輸燕縛信高皇  
詐開邊杜預賢憂時常痛哭淚入武功天服楚茅先入  
吞吳沼可期君臣傾社稷天地限華夷否極還生泰時  
安又致危百年文物盛涕泗墮瘡痍德厚唐虞帝冤深  
蟻虱臣禁關排虎豹高閣閉麒麟咄咄年將宴漫漫夜  
不晨屈原忠見放憔悴楚江濱帝座元都遠天門北海

深有人歌楚些無客問陳琳望闕千行淚思君一寸心  
雷霆司號令幾日破重陰龍虎風雲散鯨鯢海水翻千  
戈天下動宗廟聖人存跋涉防多難心肝奉至尊乘輿  
千里目終日爲消魂案元史宰相表至正二十八年戊  
申有左丞孫景益而不見列傳順帝紀於二十八年四  
月亦疎漏失之故具錄壽詩以補史之闕遺

元時

顧炎武字甯人崑山人以貢生薦授兵部司務再薦職  
方司主事未仕其學上接漢唐考核之儒所著有音學  
五書聲域志天下郡國利病書日知錄亭林集等書嘗  
寓汾陽縣其金石文字記所載大相里齊天保三年相

里寺碑郭社邨唐乾封二年郭君碑文侯邨唐上元三年上柱國任君碑小相里唐上騎都尉相里瑞碑晉天福五年建雄節度使相里金碑皆身至其地摹搨者又有詩見藝文

李因篤字子德富平人與崑山顧炎武太原閻若璩皆以博古精考核爲學者所推重時稱爲關中李夫子其至汾陽因顧炎武遊汾時取道而來也

傅山字青主陽曲人與汾陽胡庭友善其書法篆隸及詩古文辭一時珍貴之康熙戊午舉博學鴻辭授內閣中書未仕

道光三十年重修

補遺

明謝榛字茂秦臨清人與汾州孔文谷方伯天允善嘉靖四十四年來汾州有會方伯園亭詩所謂辛苦塞上來留茲孔融宅也載四溟山人集文谷集寒食喜四溟至詩云上黨隔年期西河今日果

國朝朱彝尊字錫鬯秀水人舉博學鴻詞官檢討康熙五年客山西布政使王顯祚幕時同里曹侍郎溶備兵大同以入關至并門借櫪馬俾來汾上訪古刻得唐郭君石晉相里金兩碑作跋尾應胡處士庭之請

作好舛廟碑臺駘廟詩俱載曝書亭集又蕃錦集載  
汾陽客感臨江仙詞一闕亦是時作

正誤

金王庭筠傳 藝文門載金汾州觀察判官王遵古昌  
甯宮記書大定十三年汾鎮葛侯祈雨事則遵古官  
汾州當在大定中金史王庭筠傳隱黃華在明昌元  
年後此詩正爾時作上距遵古作記時已十七載矣  
此四絕句石刻原在黃華山寺雲南大理府雙塔寺  
亦有重摹本蓋庭筠以書法名世其翠墨所在多有  
摹刻者今以邑有庭筠詩碑遂牽連入流寓門且云  
省親至此所書似未足爲據

續編

戴震字東原休甯人乾隆四十年

欽賜進士官翰

林院庶吉士其學長於禮經名物制度推步天象皆  
能洞徹本原既乃研精漢儒傳註及方言說文由聲  
音文字以求訓詁由訓詁以求義理實事求是偏  
主一家亦不過騁其辨以排擊前賢學術精醇爲近  
代儒者之冠著有毛鄭詩考正考工記圖孟子字義  
說方言疏證原善原象勾股割圓記聲韻考聲類表  
諸書乾隆三十四年客山西布政使朱文正公署郡

汾陽縣志 卷五  
守孫公和相聘修府志凡三十四卷三十六年辛卯  
李邑侯文起再延之修縣志凡十五卷博稽史籍駁  
正舊志之譌方志中善本也又文集所載與曹給事  
書王輯五墓志王秀升墓表皆是時作詳藝文

光緒十年續修

補遺

顧炎武以康熙十三年甲寅正月出京由易州往汾州  
有與胡處士庭訪北齊碑詩一首則身至其地所摹拓  
諸碑皆在此年十九年庚申攜子衍生復之汾州之陽  
城里訪前中尉朱敏浮汾州太守周西水干漆延請人

署十一月以元配王安人之喪出署成服受甲度歲於

中翰王位冲德元家二十一年辛酉二月望始去汾州

先生年譜  
舊志未詳

續編

胡兆松字蒼巖浙江山陰舉人山西夏縣知縣免官主  
講西河書院工詩古文詞遊其門者多所成就愛汾州  
山水家於贊化里小相村

胡長庚字少白安徽含山進士咸豐中知府事政尚清  
淨無赫赫名獎掖士類常若不及書院課藝皆手自校  
閱以病歸尋再起知府事卒於官子孫家邑之司所行



周貽纓字宜園廣西桂林人道光乙未進士宰汾有惠政咸豐三年秋八月粵匪陷平陽汾州戒嚴持以靜鎮籌守禦資誓死守免官尋卒子孫家邑之守府巷

王慶雲字雁汀福建閩縣人道光己丑進士授編修咸豐中以晉撫擢川督致仕家於汾閉戶著書卒葬張堡豐里新莊村眷屬尋移柩回籍孫仁堪字可莊光緒丁丑狀元前山西學政

OFIC